

廣德州志卷十三

營建志 壇廟

壇廟

壇所從來尚矣此典祀無敢私立者至後世所稱廟祠與古人奉祖宗者絕異封禪書百有餘廟數十祠殆其濫觴與然大率有功德於民故祀之特好神之俗禱賽較繁耳萬歷志分壇壝廟祠二目復有祠宇專紀官斯土者昔文翁治蜀吏民為立祠堂歲時祭祀不絕朱邑召信臣亦皆奉祠是亦廟也楊門等志

廣德州志

卷十三

壇廟

一

序秩祀於州曰壇壝曰祠宇於縣止曰壇壝而中有懷仁祠又於仙釋後序祠廟雜列鬼神仙佛名宦體既乖違文亦錯亂今依通志之例以壇廟統之壇首社稷廟首關帝餘亦依城鄉四隅臚之

社稷壇萬歷志在州城望美門外南畿志洪武二年知州

魯參楊志誤奉制立壇城西歲久而圯宏治二年知州

辛禮重建繚以周垣增置祭器及致齋房宰楊志牲所

每歲春秋仲月上戊日州正官率僚屬致祭嘉靖十年

知州林初復廣其制按社稷壇之制東西南北各二丈

五尺高三尺四寸階各三級壇下東西南各五丈北十二丈或九丈五尺繚以周垣四門飾以紅石主高二尺五寸方一尺埋於壇南正中止露尖圓神牌二以木爲之社書州社之神稷書州稷之神祭時設案桌於壇南置社主於東稷主於西

案民人社稷守土者所由理明而格幽也萬厯志首爲詳載楊門因之是也通志亦然李志乃首先農次八蜡劉猛而後社稷又止云在西門外朝斗坊盡刪舊志之文可謂不學無術矣

廣德州志

卷十三

壇廟

二

風雲雷雨山川壇萬厯志在州城北符門外

南畿志南門外

壇制

重建開廣及祭之日悉與社稷同惟不設石主止立神牌二縣放此案今添設城隍神牌

案志所稱神牌二者一爲風雲雷雨之神一爲山川之神楊門等志刪去風雲雷雨但云山川壇非也通志自作風雲雷雨山川壇

先農壇通志在州治東門外雍正四年遵建案壇高二尺

一寸廣二丈五尺

見冊卷

李志離城四里知州丁勺曾奉

文建正廳三間奉先農木主廂房二間石牌坊一座置

藉田四畝九分詳典禮

州厲壇萬歷志在州城拱極門外南畿志北門外鳳凰臺後左洪

武間立每歲清明七月望日十月朔日州官率屬致祭

通志云在邑曰邑厲

鄉社厲壇萬歷志每里一所洪武初立周圍繚以牆垣祀

五土竝五穀之神二百三十八所日久傾圮嘉靖年巡

撫都御史陳鳳梧委判官鄒守益重建楊門等志刪去嘉靖一節通

志里社鄉厲二壇在各鄉保

案鄉社厲壇者謂鄉有社壇又有厲壇也明史禮志

廣德州志 卷十三 壇廟 三

云里社每里一百戶立壇一所祀五土五穀之神此

鄉社壇也厲壇亦如之縣志鄉厲壇里社壇鑿分為

二里社亦尚有存者通志據之是也州志云一所者

以二壇同一處故也然終欠明了

關帝廟楊志在州治左知州孟希聖建李志康熙五十五

年知州周在建捐募重建增造戲樓通志雍正三年奉

旨追封三代公爵同日祭於後殿詳典禮廟久失修乾隆五

十七年知州胡文銓捐捧修葺胡志道光八年正月奉

旨加封威顯裕志咸豐末燬僅存啟聖宮三間戲樓舊址今改為市房歸

祠山殿道士
收租 新纂

案關帝尊崇之典歷代皆有惟

國朝為最盛順治九年

勅封忠義神武關聖大帝雍正三年

勅封關帝三代公爵

詔直省於所屬府州縣每處擇一關帝廟之大者置主供

奉後殿有司春秋及神誕日致祭更定祭品前殿用

太牢後殿用羊豕

皇上乾隆二十五年奉

廣德州志

卷十三

壇廟

四

旨易諡神勇三十二年加封忠義神武靈佑關聖大帝州

治東一廟為官祭之所儀與 文廟相符今依通志

列於廟祠之首此外數廟萬歷志稱武安王廟沿宋

大觀年封爵也今亦稱關帝廟

關帝廟萬歷志作武安王廟一在州治東東嶽廟右 一

在東嶽廟西南案是廟今圯 一在西門內女牆下萬

歷年州民共建籤多靈應案是廟乾隆五十四年知州

胡文銓重建 一在橫山萬歷丙戌年州鄉官濮陽裴

同族人建以上楊門志同 一在州治南卽三峯樓旁舊址建

名武聖廟

胡志

已燬今重建

新纂

一在西門外朝斗坊俗

名郎步街官員往來送迎俱集於此舊無寢殿乾隆五

十五年知州胡文銓倡捐重建並造戲樓 一在北門

外 一在錢村有記

以上胡志

西門外廟基

一在

州東三十里李村保已廢 一在州東三十里界牌保

今重修 一在州東南四十里城塢保

以上新纂

明韓敬翦殿碑記略王以絕倫逸羣之姿左右投而足重不勝縻婦宗周之恤委命孤窮暨乎兵劫下邳寄蹟虎口昭烈無生全之望孟德有解仇之意王慮無返顧臧洪自矢報遠數言何其皎也孟德固一世雄觀其表封漢壽意恐不能當既而拜書奔劉深用嘉歎王之仁心為質其漸格固已遠矣向使柙虎難逸報劉無期吾

廣德州志

卷十三

壇廟

五

知王不難絕脰刎頸以謝知己豈埃臨沮之厄而畢命哉稗史載操敗赤壁時王仍引夙昔逸曹於艱國史不經見此固厚誣王為是說者後世慕王信義使負恩者勸耳王之血食至明始著而大江以南家有崇祀桐為吳楚錯壤地俗尚鬼神人士猶敦氣誼尚節俠過氏者於郡為望族其長老祭酒四十人歲有會會必釀金酬王歲久多積金迺謀建祠於水之歸因以藩護祠成以碑陰屬予予嘉諸長老意而更有感於王之精靈至今在也賜進士及第翰林院修撰西吳韓敬撰皇明萬曆歲次甲寅仲夏穀旦郡後學濮陽景忠書

城隍廟萬曆志在州治東永樂九年知州楊翰建圯同知

劉傑重建萬曆元年加葺焉二十年署州事甯國府通

判鄭子俊知州任春元鍾庚陽相繼加葺廟左有葆真

堂歲久且壞二十五年知州段猷顯重修二十六年建

獻殿五楹增左右神像四座順治七年同知王令順重修後屢修屢圯康熙六年知州楊苞重加整新正殿獻殿寢殿東西十殿及儀門頭門馬房自爲記李志康熙三十年知州毛渾復立後殿又圯乾隆三年知州李國相重建自爲記案久之盡圯乾隆五十六年州守胡文銓倡捐重建廟貌煥然有記胡志嘉慶十四年知州徐傳一州判金桂沅捐廉重修歷於道光十七年二十三年二十六年州人募捐重修有碑記裕志咸豐末燬同治七年知州殷潤霖捐貲重建大殿三間有記 一在州東

廣德州志

卷十三

壇廟

六

南大宅保現存

以上新纂

李國相重建城隍廟記王者之於民設百官以明治之立百神以幽治之官各有事神各有司惟城隍之神神之爲守令者也守令親民之官城隍親民之神義均也神之有廟宇猶守令之廨舍廨舍傾頽官無棲息廟宇朽壞神無憑依是皆郡邑廢墜之最重大宜修舉者焉廣德城隍廟自毛君重修之後繼蹟者無人矣民間一歲之中奉營蕭膏鐙幡幢於庭者甚多而牆垣既傾棟榱將摧神像殘毀剝落卒無有過而問者是豈祀神之道哉然此固非略爲支持粉飾可畢乃事者余始固難之繼思予之廨舍雖敝壞尚可蔽風雨神之廟宇不張憑依無地將何以協幽明分治之義歲乙卯肇謀重建丁巳秋余于役滇南役中輟今年自滇歸經營倍勤賴諸士民之力成功聿告向之既傾者今則言言屹屹且塗墍茨矣向之將摧者今則實實枚枚有挺有角矣向之殘毀剝落者今則赫濯之容儼乎其上有猗猗之狀凜乎其旁自此神靈妥而民之蒙庥可知矣余因題其殿

曰周知民隱夫人藏其心不可測也惟神之聰明正直始克知之既克知之自必彰厥善良而殃及醜惡軫念其疾病災患調變其兩陽寒暑神與刺史爵位殊而靖共甯有不同也哉
胡文銓修建廟記乾隆五十三年夏余奉

簡命來牧茲州下車謁城隍廟見棟宇傾圮心竊撫然閱明年集紳士於庭告之曰捐俸倡修余不敢吝諸君安厥居甯不思妥厥靈乎紳士退語耆老聞聲踴躍緡錢雲輸於是改舊製拓新模設寢宮五間於高樓下繞以迴廊備以器具宥乎其靜而不譁也大殿三間式爲天圓地方有神龕有川堂有照廳肅乎其嚴而不賈也東西兩畔後則十王殿前則胥吏之班房分列而南樓房各五間後則有兩廊迥乎其釐而不紊也又有東畔隙地建廳房三間前後堂屋三間並兩廊與大殿寢宮有迴旋之勢綽乎其寬而不迫也移聲歌侑神之臺於儀門前築松柏長青之墩於寢宮後開水火既濟之池於大殿東凡此俱出經營慘淡而成惟頭門三間照舊修整自城隍神以及諸神像無不尊嚴赫濯有耀觀瞻均

廣德州志

卷十三

壇廟

七

以昭等威明貴賤懼褻越也夫城隍爲聰明正直之神豈其輪奐孔飾丹雘聿新我將我享遂足仰沐靈貺哉要之風有采蘋采蘋雅有行葦泂酌昭忠信也果能務其三時修其五教親其九族以致其禮祀自是神降之

福而動則有成況際太平盛世秀而靈者將蜚聲於庠序謹而愿者亦鼓腹於田廬爾邦人士其敬之哉各淑爾身教誨爾子弟聿修厥德世世和仍無負於

久道化成之景運者卽所以仰沐靈貺也至是役用銀若干計工若干並董事諸君另列紀載不入序乾隆五十

五年八月

賜進士出身
誥授奉政大夫署江南安徽甯國府知府事直隸廣德州知州前戶部江南清吏司主事管理飯銀庫總辦軍需局事務大興胡文銓撰并書

案萬厯志城隍廟入壇遺以明制城隍合祭於壇故

也祠山廟自入廟祠楊門李志乃以城隍祠山俱入壇壝其祠宇則楊門首祠山行宮李志首關帝次亦祠山行宮同一祠山也忽壇忽祠何所依據明史禮志社稷山川城隍並列洪武二年禮官言先儒謂既有社不應復有城隍故唐李陽冰縉雲城隍記謂祀典無之惟吳越有之然成都城隍祠李德裕所建張說杜牧有祭城隍文又蕪湖城隍廟建於吳赤烏二
年高齊慕容儼梁武陵王紀祀城隍皆書於史又不獨唐而已宋以來其祠徧天下或賜廟額或頒封爵

案張說祭荊州城隍文曰城隍是保眊庶是依則崇祀之意有在也今宜附祭於嶽瀆諸神之壇命加封爵州爲鑒察司民城隍靈佑俟秩三品袞章冕旒三年去封號止稱某州城隍之神廟制高廣視官署廳堂造木主毀塑像後附饗山川壇嘉靖九年罷山川壇從祀歲以仲秋祭旗纛日并祭城隍凡聖誕日及五月十一日神誕皆遣官行禮國有大災則告廟在府州縣者守令主之又宋陸游曰守令謁見儀在諸神祠上社稷雖尊祇以令式從事至祈禱報賽獨城

隍而已據此則城隍之廟祀久矣烏得僅附壇壝哉
通志諸壇後列關帝城隍八蜡劉猛總注云以上壇
廟所屬縣皆如 制以諸廟皆奉文建設故也且城
隍廟制如官廨百姓奔走於其庭與壇壝之禁人出
入者迥異今移正之

東嶽廟萬厯志在州治東南宋乾德中建案在寶華坊順
治八年善人郭海都督郭虎重修後傾頽知州周在建
重建見季志雍正十一年道士葛宏祖等修今寢殿又圯

乾隆五十六年知州胡文銓捐廉重修大殿其前殿併

廣德州志

卷十三

壇廟

九

戲樓現亦募修胡志咸豐末燬同治十一年監生王爵仁

陳蘭翰職員董祥鳴募捐建造大殿三間新纂

藥王廟在東嶽廟左不知何時建中有順治己亥遊擊池

鳳鳴額又有痘神廟胡志咸豐末燬光緒二年郡人前天

津府知府張光藻倡捐各藥業助貲重建大殿三間新纂

火神廟萬厯志在北門因州中屢犯火災萬厯二十六年

知州段猷顯同知翟愈判官潘仲明各捐俸倡令僧募

建案廟即在東嶽廟內左首乾隆四十四年州守石應

璋五十五年州守胡文銓相繼修葺胡志咸豐末燬同治

十一年耆民周慶賢募捐建造大殿三間新纂

天皇廟李志在州治西案此廟不知所祀何神李志謂在州城故附此

八蜡廟萬厯志在州西社稷壇右嘉靖八年秋蝗入境傷

禾官民以禱以捕遂得息是歲冬知州喬遷俯順民情

改喜雨亭為八蜡廟歲九月間祀先嗇司嗇農郵表啜

猫虎坊水庸昆蟲八神報歲功之成也李志在西門外

朝斗坊詳典禮

劉猛將軍廟李志在州西門外朝斗坊胡志舊在社稷壇西

嘉慶十二年州判金桂沅於舊育嬰堂基址募建三間

廣德州志 卷十三 壇廟 十

設位致祭裕志

案萬厯志有八蜡未有劉猛楊門二志並無八蜡李志

志但言在朝斗坊而不詳建置之時通志於建平八

蜡書

勅建而州亦無是廟考畿輔通志引降靈錄云將軍名承

忠吳川人元末授指揮弱冠臨戎兵不血刃盜皆鼠

竄適江淮千里飛蝗蔽野揮劍追逐蝗遠出境因鼎

革自沉於河有司奏請遂授猛將軍之號南方皆祀

之雍正初北方始亦立廟

龍王廟萬歷志在橫山巔廟前有龍池池上有石碣萬歷

十二年知州陸長庚建廟歲五月二十分龍日及七月

處暑日祀以羊豕案今於春秋二仲月辰日致祭詳典禮李志云禱雨靈

應案廟久圯乾隆五十四年夏旱迎神虔禱雨即霑足

知州胡文銓捐募重修胡志道光十六年夏旱知州英祿

禱雨有應是年八月移建於城東北指月庵右二十八

年知州裕文捐廉重修裕志

顯濟龍王廟萬歷志在州南七十里當靈山寺南上有龍

潭宋淳熙中郡守張廣禱雨徵應得請於朝勅封顯濟

廣德州志 卷十三 壇廟 十一

龍王因潭之上立廟焉至今一遇亢旱民虔禱無不雨

者案通志載此一廟云禱雨多應

龍王廟在州治大東鄉湖忠都焦子湖舊名焦子塘明李

徵儀居此築舍名聞思庵里人每於亢旱時在湖取水

祈雨輒驗道光二十七年秋旱知州裕文禱雨到此取

水還城即雨里人募捐重建是庵恭設龍神牌裕志

祠山廟在州西五里橫山麓明一統志云神姓張名渤吳

興人一云武陵龍陽人生西漢末遊苕霅之間久之欲

自長興之別溪鑿河至廣德以通舟楫工役將半遂遁

於橫山人立祠祀之其神最靈水旱有禱輒應又有埋藏之異萬歷志云神雀中禮斗橫山遂為立廟有弭災捍患功歷代封贈宋賜額曰昭德宮明初復加封號歲遣中官行香後以擾民尋罷改為春秋二祭成化中燬於火重建正殿顏其楹曰廣惠殿其後殿即舊傳埋藏地也廣惠殿之前為獻殿名近斗閣案明太祖詩碑在閣下正中故又名宸翰閣前為凝香亭亭外有鐵神二共二萬筋萬歷十一年知州陸長庚修復禮斗臺濮陽涑記案此據碑補三十九年知州邵圭建近斗樓李得陽記四十年知州李得

廣德州志

卷十三

壇廟

中加磚砌焉道士所珍藏者舊有白玉禪師手卷趙子昂疏三教圖水晶珠又有指掌集祠山雜辨祠山志案今止存趙疏及珠與指掌集餘並亡矣李志天啟三年廟災

國朝順治四年總兵郭虎重建康熙六年知州楊苞重修近斗樓并山門馬房雍正二年知州周在建重修乾隆三十三年知州陳有光增建後殿并修正殿獻殿五十七年知州胡文銓重修正殿胡志咸豐末燬同治三年提督劉銘傳克復郡城重建正殿三間知州王希曾有記十二年州人募捐重建後殿五間光緒五年候選訓導

陳芳翰職員董祥鳴陳芬監生王爵仁陳蘭翰暨住持
汪昌鵬勸捐重造獻殿五間並砌頭門及東西山門職
員趙拱璧重建十王殿於正殿前之左右并塑諸神像
光緒五年十一月奉

旨加封眞君曰靈佑適獻殿甫成遂敬奉神牌於中郡人
前天津府知府張光藻有記新纂

案祠山事要載封號始唐明皇天寶中贈水部員外
郎昭宗乾甯二年贈司農少卿天祐五年贈禮部尙
書兼廣德侯吳乾貞二年進僕射南唐册司徒進封

廣德州志

卷十三

壇廟

十三

廣德公尋易爲王宋封靈濟王又加忠祐紹興加昭
烈又加正順所謂八字王也紹熙改靈濟爲威德開
禧改正祐顯應威德聖烈又改顯應爲昭顯淳祐五
年改正祐聖烈眞君又加昭德昌福四字德祐元年
又加崇仁輔順爲十二字元世誥勅並存至於集所
未詳則如文獻通考郊社考載祠山廟在廣德軍土
人言其靈應遠近多以耕牛爲獻僞唐以來聽鄉民
租賃每歲輸絹一疋供本廟之費其後絹悉入官景
德二年知軍崔憲請量給絹完葺祠宇上曰此載在

祀典當官為崇飾因詔本軍葺之考宋史禮志諸祠廟自開寶皇祐以來凡天下名在地志功及生民宮觀陵廟名山大川能興雲雨者並加崇飾增入祀典則真宗時祠山之在祀典久矣又元史泰定帝本紀泰定元年二月加封廣德路祠山神張真君曰普濟明史禮志南京神廟初稱十廟祠山廣惠張王渤以二月十八日南京太常寺官祭用少牢此數事皆炳見史傳中不可略者特識於此

明濮陽沐建復橫山古蹟記略廣德南北延袤多高山東西橫窄而平行諸山磊落鮮奇秀獨橫山附郭西北

廣德州志

卷十三

壇廟

十四

昂然中峙為一郡鎮山云山形坦而圓若覆釜四山遼廓無壅無闕隱隱布置環遶若城郭從巔一望百餘里城宇廣狹山林疏密村落遠近瞭歷若點若染真若天開圖畫然高廣不踰諸山而形勝包之山巔有泉曰龍潭深廣丈餘常清無盈涸旱必禱禱必應州民賴之漢張真君禮斗山巔功成祠於山前里許為祠山世載祀典我聖祖龍飛時登禮斗臺覽周勝發浩歌稱真勝境隨禱祠山得第一籤更庸作歌稱天下英靈第一山云先是橫山上下各有寺諸僧怯風寒多安下寺禪師智通獨居上寺日誦法華經成羅漢聖製所云悟透關者疑即其人與後上寺日圮止遺集仙攀蘿諸亭郡大夫省耕省斂觀民設教胥懋於此時葺之余非角時從鄒文莊公陟山巔觀禮教二亭詩篇尚在目中今茲六十餘年蕩然無遺矣甲申夏旱陸侯諮於有眾知是山之靈齋素貶服撤蓋徒步歷祠山抵潭所大雩三日雨浹翌日赴山巔答神貺步階礎遺蹟見叢中仆碑悚然曰噫此天語固朗朗也蔑神之功而沒君之榮一至於此其復之即日謀及僚友謀及諸士諸民屬僧慧容

任其事者民濮陽佃葛珂沈科王級戈守元周桐時標
王憲濮陽倅葛銘等督率之自捐俸資倡之士民無遐
邇慕聲氣應之不費公帑不煩約束數月而財用集期
歲而事成增置亭宇視昔加倍焉煥然為一方勝境矣
皇明萬曆丙戌歲冬十一月長至日鄉進士參知南昌
府致仕郡人太極真儒濮陽涑水李得陽重建祠山
近斗閣記略祠山貯鐘鼓故有樓萬曆丙午以還再厄
於赤標郡守禹元邵侯俯從與請捐俸重建僚屬人士
量助有差庀材鳩工歲未及周二星而樓即成既釁沐
顏其上曰近斗蓋遵用高皇帝高臺近斗語也遂屬余
識始末是役也始於戊申年孟冬成於己酉年孟秋月
峇萬曆辛亥孟冬吉旦賜進士第中憲大夫欽差巡撫
湖廣提督軍務兼制黎平等處地方都察院右僉都御
史郡人李得陽撰

昭如廟萬曆志即張真君如舊另立廟於東門外二里許
每歲二五月州民迎真君輦入東廟會昭如必盛陳旗

廣德州志

卷十三

壇廟

五

鼓扮故事謂之賽會其費甚靡嘉靖四年判官鄒守益
遷如西廟後遂合祠焉舊址遷學後元妙觀於其地本

廟遂廢後州民復買東空基立昭如廟迎神賽會一仍
其初案是廟萬曆十五年知州陸長庚重修名祠山行

宮有記

錢曾讀書敏求記云王一妃二夫人九弟五子
一女八孫指掌集載之甚詳洵為祠山典故

明咸豐末燬同治七年監生王爵仁勸捐建造大殿三

間新纂

明夏良心重修祠山行宮記略云我桐汭之神祠山最
著殿顏廣惠在橫山麓距郡治五里而近高皇駐蹕叩
神答以協贊如響致天語第一山之既行宮距郡治東
郭外一里許每春中八日郡祀輿神出廣惠下行宮為

會宴娛臚驪以迓蕃釐至夏中八日復殿屬者用禁中
輟行宮莓苔風雨郡守陸侯蠲俸圖葺令耆民夏忠陳
簡鄭河趙良才等董役兼募居民僉噴噴曰義舉不可
後聚材鳩工庭宇輪奐經始萬曆乙酉明年丙戌竣侯
乃捐廩祿置田六畝五分以供祀事又斷復疇昔所廢
之田六畝房屋山塘俾裡祀有資久存勿替侯庚辰進
士來守郡櫺李鸚鵡湖人名長庚字元白號津陽賜進
士第中憲大夫浙江按察司副使前刑部貴州司員外
郎郡人夏良心撰
文萬曆十五年立

張王廟萬曆志在橫山西麓

臧巷廟萬曆志張真君行祠在州北三十里廟據一方之
勝神有靈應州人弗問遠近多貢香祈禳者案乾隆三
十六年重修有記又州北二十三里有岡頭廟亦奉真

廣德州志

卷十三

壇廟

六

君父子其山脈來自五花巖此岡特起橫亘里人相傳
與臧巷同時建有鐘高三尺二寸萬曆癸丑年鑄現存
旁為三官殿又州北二十里港東保有廟宋紹興間里
民張千四建乾隆癸酉張燧琪等募修胡志光緒初重修

新纂

高廟萬曆志張真君行祠在州南七十里神大顯靈燈時
靜夜屢有火光出入廟中祈禱多應居人耿姓每歲元
宵前後張燈設宴習以為常胡志光緒元年重修新纂
又州西南二十里地名木東有張真君廟乾隆四十三

年里人施成偉毛承翔毛方順等募建毛聖思王德賢
捐地二畝六分五十四年州守胡文銓額曰威靈赫奕
方山廟萬厯志在方山麓神卽本處方山冲人名通佐祠
山大帝治水有功附祭於廣惠殿後於錢塘斬蛟有功
宋淳祐十二年勅廟於此山寶祐五年勅封協濟侯歲
久廟圯萬厯間知州段猷顯令募眾重建胡志已燬同治
十一年里人重建小廟新纂

案祠山事要神姓方名通第十九小名萬先封協靈
廣濟侯此云協濟誤也又佐神李祿長興人宋寶慶

廣德州志

卷十三

壇廟

七

二年封威濟侯詳指掌集卷八

佛堂廟萬厯志在三溪口神係土神其初顯靈自市木放
入溪口木上俱書神姓名里民鳩眾建之至今元宵張

燈作會

胡志今存新纂

東平王廟在州東北八里許

或云五里

古溪

亦名東平溪詳津梁

明萬厯

年建尋燬里人重建正殿因號東平王殿祀唐御史中
丞張巡乾隆四十九年州判左宜勸捐重修有記一在
州城朝嶽坊乾隆四十八年旌德縣人市民居爲會館
中奉王像亦遂稱東平廟五十六年復於館東拓址建

殿及戲樓

重修東平殿記略維東平王効忠於唐保障江淮則當時江淮以南之編戶得免兵燹者非皆王之功德哉其受廟享於吳越之區也宜矣郡之廟建自前明郡侯何公不戒於火今之正殿乃重建者年久漸頽郡倅左公遴衿耆陳尙謨等設簿募修復於正殿前建獻殿獻亭左右各翼以樓五間殿左小屋五間以居廟祝自是神之靈益顯赫而生民叨其庇佑者無窮矣乾隆四十九年秋日郡人章采衛記

案新唐書忠義傳張巡字巡鄧州南陽人開元進士天寶末為真源令起兵討安祿山數擊敗之俄魯東平陷賊乃引兵至睢陽與太守許遠合與賊戰於甯陵斬將二十殺萬餘人詔拜主客郎中副河南節度

廣德州志

卷十三

壇廟

六

使至德二載祿山死其下尹子琦攻睢陽巡勵士固守屢出擊賊詔拜御史中丞久之食盡殺愛妾饗士遠亦殺奴哺卒賊知糧盡援絕圍益急眾議東奔巡遠議以睢陽江淮保障也若棄之賊乘勝鼓而南江淮必亡且師飢眾行必不遠十月癸丑城陷與遠俱被執巡罵賊死遠至偃師亦不屈死詔贈巡揚州大都督遠荆州大都督三年巡子亞夫拜金吾大將軍遠子致婺州司馬皆立廟睢陽歲時致祭史所載大略如此其曰東平王不知所自始且唐祀止在睢陽

今則徽甯諸郡幾於家祀戶禱蓋當日江淮之不亡實二公之力史臣所謂以疲卒嬰孤墉鯁強虜之喉牙使不得搏食東南雖力盡乃死而唐全得江淮財用以濟中興是其功在睢陽者固多而在江淮者尤大也但專祀張而不及許豈猶惑於去疾之言乎然雙廟之號若日星不可妄輕重當時已有定議初不繫於江南之合祀與否也尤異者神座旁別祀太子意必金吾大將軍亞夫而肖像猙獰可怪旌德人虔祀之與中丞等又言此係唐某太子非中丞子也說頗不經恐其知祀中丞而未知其所以祀也故錄史文於此庶展謁者知所向慕焉

誓節廟萬厯志州西五十里唐黃巢之亂土民張姓帥鄉兵禦之兵敗誓死不退後人嘉其志節廟祀之學正吳

甯謚有誓節渡詩

劉相公廟明一統志在州北三十里唐興寺前俗傳唐劉文靜捨宅爲寺故廟祀之

明王廟亦曰明王祠明一統志在石鼓山有禱輒應
以上二廟舊志不載今補之

李相公廟萬厯志州東五十里舊傳五代時江南李主後裔鄉人慕其德祀之今廢

三皇廟萬厯志在州治東舊址尚存

案三皇謂庖犧神農黃帝也元成宗元貞元年命郡縣通祀三皇有司春秋行事而以醫師主之見元經世大典明洪武四年禁止之

以上二廟並前誓節廟諸舊志俱入古蹟今移此

忠義祠通志在州學內李志雍正五年奉文建胡志已燬

緒三年貢生張雲錦捐貲獨建新纂互見學校

廣德州志

卷十三

壇廟

三

節孝祠通志在學宮左二祠各縣皆如制李志青雲樓

右雍正五年奉文建胡志已燬光緒三年貢生張雲錦捐

貲獨建張光藻有重修忠義節孝兩祠記新纂

案祠即康熙間所重建之復初書院而改爲之者互詳

學乾隆五十五年圯輿議以青雲樓右地當異隅于

學宮非宜五十八年祠裔移建於文廟西北土地

祠廢址上

右二祠俱係勅建首列於此

名宦祠

鄉賢祠

四先生祠

九烈祠

懷忠祠

周公祠

鄒東廓祠

六賢祠

右八祠俱詳學校

先賢祠萬曆志州西橫山東宋郡守常公懋建祀范公仲

廣德州志

卷十三

壇廟

三

淹孫公覺朱公壽昌錢公公輔孫公諤陳公次升常公

安民洪公興祖董公槐康公植真公德秀今廢址尚存

案今址無考

右祠舊志列名蹟今移此

范公祠祀范公仲淹一在州治內

詳公署

一在州學內

詳學校

一在州治南李志舊有硯池塘八角并基址民多侵佔

康熙二十四年知州朱國柱清復之造廳堂十五間捐

募置田貳拾陸畝伍分爲春秋祭祀之用

案今存北關外真竹衛伍

畝伍分北鄉牙園保拾陸畝伍分共只貳拾貳畝現均守祠道士王吉人收租納糧辦祭雍正八年

知州徐敦蕃重修又建正誼書院十間聚諸生會課置田貳畝伍分生員陳榮管理案今此田無存乾隆初監生王來儀捐田貳畝坐小東門外沙塘岍乾隆四十二年祠屋傾圯州判左宜募資重建

三忠祠萬厯志在州治西五里橫山麓祠之舊址正德七年知州劉節曾建祠合祀宋岳武穆明王原采嘉靖十五年同知方一蘭建亭扁曰精忠十五年知州朱麟改迎仙道院爲修撰祠以祀原采舊祠專祀武穆勒石記之萬厯八年知州吳同春進祀練子甯與岳王合三爲

廣德州志

卷十三

壇廟

三

一廟曰三忠二十四年巡按御史龔文選以其隘陋命知州段猷顯撤而新之仍顏以三忠祠前門房三楹後有望雲亭案乾隆十七年知州帥家相捐修有記胡嘉志

慶十年州判金桂沅捐修二十三年知州張立勳重修裕志

案萬厯志云練子甯未嘗官廣德而與岳王同祀誤矣然忠臣義士天下共仰不必其官斯土也考子甯之父高嘗倅是州祀之因此說已見忠烈職官等門矣龔文選蜀人萬厯丙申有謁三忠新詞詩又范昌

齡亦有遊橫山謁岳王二公祠詩

明劉節新建名臣祠記此祀宋岳鄂王武穆國朝王修撰原采祠也案郡志建炎三年兀朮趨臨安武穆率所部要擊至廣德境中六戰皆捷擒其將今橫山扎寨圩即其戰地次年移屯宜興遂題金沙寺而去原采仕洪武末太宗皇帝南巡入廣德募丁壯番上遇故尚書齊泰來奔執之以實告迺自為贊更為絕命詞經而死道士盛希年收葬祠山麓正統中少師楊文貞公始題其墓前守周君梁石治廢墓邱莽中樹碑設祭至今因之節昔被命來牧僉謀建祠橫山既而命引禮舍人濮鉅以公羨成之為門一為堂三楹翼以兩廡深若干丈廣如之癸酉秋七月始事十月既望告成題曰名臣祠節復被命往視西蜀學政鉅以記請竊惟武穆故宋將臣也原采聖朝儒臣也並祀之不係乎時之先後功之顯晦也光明俊偉之志初終不渝之節勇往直前之氣扶顛持危之才忠君報國之心食焉不避其難之義後世於二公並觀也古之君子易地皆然況武穆敗兀朮是

廣德州志

卷十三

壇廟

三

地俾當時民庶不罹其禍食報固宜原采無後葬於此則祭於此享於此矣賜進士出身中憲大夫雲南按察使司副使前奉勅提督四川學政大庾劉節撰正德十三年夏六月賜進士出身奉訓大夫廣德州知州信郡周時望同知劉傑判官況照樂成吏目林聞

國朝帥家相重修三忠祠記桐汭三忠祠在州治西五里

橫山麓舊祀宋岳公飛明練公子甯王公叔英三公俱

外產曷以祀乎武穆要擊金兵駐劄州境扎寨圩子甯

隨父伯尚謫州倅任最久叔英靖難兵起募軍廣德先

後死難前知州劉節慕其忠節故建祠合祀云夫人值

盛平之世莫不握章綰綬就軟煖取膏潤及一旦有故

斂手縮足誰肯捐軀不顧者此三公所以光照日月而

垂千禩不磨者也歲久祠傾余割捐俸廉鳩工庀材丹

堊塗墍煥然一新余茲役也固見忠義感人甚深終古

勿替而表尚節烈亦庶幾區區維持風化之苦衷也乾

隆壬申三月奉

新帥家相記

王修撰祠卽表忠祠

見藝文

萬厯志在祠山後王公墓上知

州吳同春以孺人金氏二女配

詳坐墓

三惠祠萬厯志在州治西祠山廟之西南原祠州守次山趙公崇賢者復益州守鳳泉王公邦瑞少薪彭公棟更名三惠祠祀三惠者本州原無湖蕩草場舊制不牧官馬建平與溧陽高滄接界自啟釁端致被扳奏分縣畜馬縣民屢次呈請令本州津貼軍需趙公崇賢曰馬政派自草蕩軍需出於田畝縣民食田力而州民代之輸稅非制亟白當轄事得寢後罔伯更議移馬於州王彭

廣德州志

卷十三

壇廟

十四

二公先後辨難甚力始得免焉夫三公為民祛患其施惠均也則民之佩惠亦均也乃專祀趙而彭以劾官議沮并主亦弗果合祠豈民之情哉萬厯丁酉秋士民仍擬並祀三公呈於段侯批准因為文記之

案楊門等志載諸祠盡刪

舊志之文僅列諸祠姓名殊失建祠之意今悉依舊錄之

案祠有田貳畝伍分坐落

星橋保向係昭妃廟道士經管每歲二八月致祭祠有大門一座正屋四間日久坍塌毀乾隆五十七年道士段篤信與其徒張永德盛元俊重建祠中向惟趙公有像今亦重塑之

鍾公祠在祠山廟西偏祀鍾振有像舊祠頗軒敞乾隆五

十八年道士忽改爲一間甚卑陋聞有田若干畝無查

案是祠舊志失載今依年次補入下倣此

吳公祠祀吳同春在州治西崇德坊

魚鱗册黃字三百號吳侯祠丈地伍分捌

毫叁絲叁忽長拾貳弓橫拾弓東陸侯祠基西雲基南官街北官街

明萬曆十五年士民

公建有田拾捌畝有奇坐落草場圩陸長庚記後爲守

祠人乾沒乾隆二十三年生員濮陽桐等清復之祠屋

三間祠前店房三間現係生員葛鵬舉濮陽詢等收租

辦祭

廣德州志

卷十三

壇廟

三

明陸長庚吳侯祀產記略云中淮吳侯晉比部郎以去
士若民建亭肖像而俎豆之時文學董君暨諸弟子員
首捐資置城南負郭田六畝以爲歲祀之需嗣是若州
署佐若薦紳若鄉耆相繼增置散在諸鄉者合又九畝
有奇歲收租值供春秋祀春孟元宵前日爲燈節秋孟
望三日爲侯誕辰至期潔羞觴郡父老子弟祇祀畢則
列享焉顧田錯分如碁置恐後代遷或至湮沒迺謀聚
其產鑄石以垂不朽奔告不佞乃令亟覓善產得城北
土名草場圩諸膏腴聚若指掌且去州治不數舍而近
有池可灌地可蔬室可廬佃戶亦頗稱善遂變城南田
以田值畀其人而郡佐王君省括聞君思政文學黃君
應奎郡藩參李公天植感侯德各捐俸有差遂成世業
侯諱同春別號中淮諸德政備傳記中不具
述爰籍記其產如左萬曆丁亥孟春立石

國朝濮陽濤重建吳侯祠記先世感吳侯之德集州內紳

耆捐金於西城內祠之并置草場圩田十八畝爲春秋
祭享之資年久祠頽碑踏祠產爲守祠人乾沒侯靈爽
不泯鄉官濮陽來嫡孫桐搜得舊碑於祠基側爰約葛

項孫尊南暨濮陽健濮陽景等控州尊帥批示祠孫管業令向伯連守祠每年給穀四石以供洒掃倘玩逐換今祠宇重新馨香永續皆桐等捐資其舊碑所載紳耆子孫半無嫡派可稽爰立新碑日後與祭者照新碑名目永遠確守乾隆歲次戊寅大呂月

何公祠楊志祀何鳳起案在州治東天壽寺內何公墓修

塔士民以餘資建祠於寺併置王塘岸田陸畝地壹畝寺前左右店房四間今寺僧收租納糧餘供春秋祭祀

陸公祠萬厯志在州治西萬厯十三年槩州士民立案祀

陸長庚祠屋三間臨街有店房有田俱耆民收租辦祭

魚鱗冊黃字二百九十九號陸侯祠丈地壹畝長貳拾四弓橫拾弓東雲溝基西吳侯祠基南官街北官街

廣德州志

卷十三

壇廟

三

任公祠在祠山三惠祠西祠屋三間中有像已剝落無牌

門刻任公祠不知任公何名堂有康熙年守周在建題

柏臺名守額當係前明由御史謫守之任春元也有田

係道士執管

段公祠萬厯志在州治西萬厯二十五年槩州士民立楊

志祀段猷顯案今祠有二一在州署西忠節坊

魚鱗冊黃字一

百八十八號段侯基丈地玖分肆厘貳毫伍絲長拾柒弓貳尺橫拾叁弓東濮陽基西陳基南官街北官墻

卽萬厯二十五年所建者也中有改折漕糧碑明末祠

燬於火康熙間士人向耆民租地建造店房七間二進

神牌供店舖中耆民收基租以供祭乾隆五十八年學
正王其福訓導吳景濂勸募執業店房之許祖功捐正
中屋一間二進重建祠堂供牌移碑其中左右店房仍
聽許王濮三姓執業每年照舊收基租以供二祭稟請
知州胡文銓批准立案一在北門外梅花保關帝廟北
祠基壹畝貳分
祠後塘壹口
前明士民因段公募建北灣橋遂以餘
資建此祠堂屋三間中有像門屋三間乾隆初年借作
社倉今從旁門出入有田伍畝坐落李村圩雖有耆民
收租香火久缺乾隆五十八年學正王其福訓導吳景

廣德州志

卷十三

壇廟

宅

濂詳請清查耆民始重新其像焉又南門外有段公及
鄒東廓先生牌在普濟菴中其祭費有地二號塘二口

案即南門外潢水澄清詩碑下附刻段公給田捌畝
價贖回禁民掘損車戽致傷州治來脈者也
號田三畝坐落東邊圩土名官田叁畝灞一口一號田
壹畝坐落葛家冲一號田壹畝五分坐落官山塘入水
一號田壹畝坐落塘坊土名殷家獨畝
一號田壹畝五分坐落棟青樹塘入水耆民戈元載等

於康熙戊戌年立碑菴中稱鄒段二公自遺祠田今二
公牌位俱置廊下但鄒東廓理學名儒不應祀之佛舍
乾隆五十八年學正王其福訓導吳景濂從輿議詳請
迎祀東廓先生於復初書院中胡志已燬舊址現改造市

房歸入義學收租

考祠基東至蔣姓屋西連義學屋南至大街北至署基

新纂

邵公祠通志在州治祀邵圭案坐落松關坊城隍廟東堂

屋三間中有像堂後川堂一間前門屋三間左右二廂

城隍廟道士經營辦祭

張公祠楊志祀張嗣誠案在城隍廟東祠久坍僅存店房

三間空基二間耆民收租辦祭乾隆五十八年耆民趙

文富捐資重建祠屋三間

夏公祠祠牌失名向在州治東關帝廟中乾隆四十五年

學正朱裕觀移耐學中鄒東廓祠內

詳學校

廣德州志

卷十三

壇廟

三

趙公祠杭州府志趙景和祠在廣德州治東案今詢無其

址查舊志載名宦祠所祀之人並未及趙而今名宦祠

中已有趙景和牌疑前人奉主入名宦祠而專祠遂湮

廢矣今補進主于忠義祠而仍存祠名於此

任公祠州治西佑聖閣神龕中有牌二一書郡輔承德郎

殉難任公詢之郡人云明末與州守趙景和同殉節之

同知則為任公佐君無疑當係合祀在趙祠中不知何

年趙主移入名宦祠趙祠廢而任主遂移置於此今據

此亦補進任公主於忠義祠一書郡輔承德郎史公則

當為順治初同知史公文嚴也

史公祠魚鱗册有史公祠基

黃字一百七十二號史公祠丈地捌分長貳拾弓橫玖弓

叁尺東至巫墻西至官墻南至街官墻北至官墻

佑聖閣神龕中有史公牌當

係史祠圯而移置龕中者今祠基造店面肆間佑聖閣道士收租以供任史二公祭費

閔公祠楊志祀閔以棟案在州治左關帝廟東順治四年

建見祠碑

時未有關帝廟後知州孟希舜建廟於祠西

孟任

於順治十一年故知廟建在後也

雍正間奉文建關帝後殿即以閔祠

堂屋為之移木主於堂後小屋之東偏

今魚鱗册載黃字一百七十五

廣德州志

卷十三

壇廟

五

號閔公祠丈地陸分壹厘長拾柒弓壹尺橫捌弓叁尺東至郭公祠西至官基南至街北至官墻一百七十四號郭公祠丈地伍分玖厘伍毫長拾柒弓橫捌弓貳尺東至濮嵩屋西至閔公祠南至官街北至官墻合二祠丈尺計之由東首濮姓民基至關帝正殿後官基四至與册相符知後殿在閔祠基上且棟梁朽壞係百餘年物故知即以祠為之至關帝正殿後簷滴水在州衙內故知即以官基東南隅為之且鱗册無關帝廟愈見正殿為官基後前有店房五間即閔祠門基也歷係道士收租以奉閔公香火另有祠田在儒學收租辦祭給胙

詳學校

案魚鱗册載郭公祠基在閔公祠東今造店房五間

二進關帝廟道士與閔公祠耆民收基租所稱郭公

已無神牌舊志失載無從考為何人其閔郭祠基均

係道士納糧又道士每年另完周公祠田捌畝糧而

並無田收租不知周為何人祠址何在姑附識於此

崔公祠楊志祀崔成名田貳拾畝每年收租一千筋內除

納糧外餘為士民奉祀之費案祠在西門外濯纓橋東

正屋三間門三間廂房二間屋後餘基一方東畔基地

耆民租與榮姓造房二進共六間田坐落小北鄉濮陽

塘丁家村現在耆民包振國鄭如林濮長周等管理收

租辦祭如故胡志今燬僅存祠旁店基一間東西至陳界南至街北至

廣德州志

卷十三

壇廟

三

祠基田無考新纂

塗公祠楊志祀塗應泰門李志同案今無考

陸公祠楊志祀陸翔華案祠無考相傳青雲樓舊有陸公

神位今亦無存南門外土名關王塌有基地一塊傍有

田貳畝肆分云是陸祠田今係青雲樓道士收租

星橋祠祀州守楊苞今久圯牌移供慈雲閣下

陸翔華楊大夫福星橋祠碑小引桐川夙稱名勝城外皆層嵐疊嶂秀甲江南城東五里有無量溪建橋曰福

星所以普濟輪蹄者日千百也水自牛首山匯集諸溪注南湖以入江至此奔流湍激勢如疾矢故橋往往易

圯而桐又當吳越界為宣歙孔道肩負手攜者絡繹於塗蓋非橋莫能飛渡矣余昔承乏茲土日擊傾頽力為

廣德州志

卷十三

壇廟

三

奉直大夫前知廣德州事嘉善陸翔
華拜譔康熙五年歲次丙午八月

募修旋以解組去適漢東竹翁楊大夫以治洛報最來
守是邦甫下車見桐民凋瘵卽進諸父老面詢疾苦利
有當興者立為興之弊有當革者立為革之休養教誨
無不殫心從事如清荒糧豁數百年之累賠寬徭賦甦
數萬姓之疲困他若築城垣以壯金湯建學署以宏文
教保甲飭而荏苒旋黨之害除矣綱紀肅而羣飲擄蒲
之風息矣勸農桑則家勤穰穰課多士則戶習絃歌至
於鐘秀之開社學之設火耗之除私嗟之禁訟息民安
車無譁市種種良規美蹟未易更僕數也爰觀星橋圯
壞首捐冰俸次諭耆良以僧實臻董其事庶民子來不
數月而已樂成往來者咸欣欣無病涉焉惠心善政此
其一端已州人先感公德建祠贊序之東而茲橋適成
復為立祠以誌公之津梁億眾者真無量福緣余荷公
知最深嘗讀公家乘忠烈憲副二公忠貫日月名垂天
壤公以冢嗣由禁苑典名邦人歌召杜績著龔黃郭地
何幸而邀福星之賁止哉余再過桐圻以事謁公見長
虹駕空祠亦垂峻州之士民頌公德化不已請余文勒
之貞珉以銘不朽具述梗概如右以附尸祝賜進士第

毛公祠祀毛渾康熙間建於 文廟西乾隆間祠圯移主

于學中鄒東廓祠內 詳學校

周公祠祀周在建舊在城隍廟左祠屋已圯其基半造入

城隍廟有田六畝坐落北門外三里店副貢生趙桐源

廩生駱熊等收租借城隍廟中設祭

以上胡志參裕志案本州祠宇咸豐末被燬後未復

其有僅存數間或已經重建俱載明注新纂別之胡

志附載范公祠三惠祠吳公祠閔公祠陸公祠毛公

祠周公祠等祀田均無考以下新增

延祀祠在南城儒林坊祀咸豐末城鄉遇難孤魂光緒三年知州文翰飭墾務局紳董助資建有記

詳碑記

附置延祀祠產 買業主繆鍾魁坐落小西鄉大橋保土名繆家村民田肆拾貳坵計捌拾畝玖毫捌忽樓房五間兩進兩廂廳屋三間一衙空基一塊又置買業主戈奏笙坐落大橋保土名繆家村民田玖坵計玖畝陸分肆厘壹毫捌絲又置造東城內仁德坊坐南朝北市房三間與仁坊坐南朝北市房六間每年收租以爲春

廣德州志

卷十三

壇廟

三

秋祭祀之需

文昌社在城北興福坊祀貢生丁映辰丁震甲吳照學正趙對澂同治十三年郡人張光藻陳芳翰等買吳姓舊宅重修廳屋三間左右廂房

承烈王廟在州東十里長岡保今重修

蘇覺廟在州治東南八里

韓家廟在州南六十里昔宋高宗以禱雨輒應勅封都土地乾隆二十八年里人募建

陽太保殿在州南五十五里柏塾保馬鞍山不知何時建

今重修

秀水菴

俗祀陰太保

在州南八十里長豐楊柳保元初建今存

側屋七間

以上新纂

右本州壇廟

社稷壇南畿志在建平縣鎮山萬厯志在縣西一里許知

縣王勉建於縣南鎮山楊志牆東西闊二百二十步南

北一百二十步設木主右曰縣社之神左曰縣稷之神

祭期與州同

廣德州志

卷十三

壇廟

三

案楊門及縣志俱不詳其地又不言建者何人疎也

李志位置刪削與州同

風雲雷雨山川壇南畿志在建平縣郎溪南

萬厯志同楊志牆

東西一百八十步南北九十五步壇南有隙地南北三

十八步東西與壇基稱以城隍合祭屋中木主同風雲

雷雨之神左曰山川之神右曰城隍之神

案楊門及縣志亦俱但稱山川壇今從萬厯志正之

邑厲壇

舊作厲壇今依南畿志通志

萬厯志在縣北二里許楊志東西

七十步南北八十八步祭日先期迎城隍神於壇上招

無祀鬼神祭之壇下

鄉都厲壇

楊門等志俱作鄉厲壇

萬歷志每里各一所共計一百一

十六所楊志明洪武八年定制每里立壇以里中耆老

主之用羊豕果酒如縣期祭本鄉無祀鬼神今廢址存

先農壇李志縣東半里雍正六年知縣衛廷璞奉文建案

藉田伍畝柒分玖厘零在東門外文昌保係衛令捐置

里社壇楊志明洪武八年定制每里立社祀土穀二神今

廢

觀埠壇縣東南十里桐汭鄉

以下並據楊志

廣德州志

卷十三

壇廟

三

水西社縣東南十五里

西流社縣東南二十五里

南田社縣東南三十里

東塘社縣南五十里妙泉鄉

新義社縣南八十里

下城社縣南四十里

趙村社縣西三十里

湖東社縣西四十里

太西社縣西北三十里

諸安社縣北三十里

丁村社縣東北十里昭德鄉

民興社縣西三里桐汭鄉

陳村社縣南二十五里原通鄉

世社壇南門外法雲菴南

關帝廟李志縣治西案乾隆五十五年畢令所詣勸捐重

建胡志咸豐十年燬同治十一年重建新纂

關王廟李志一在縣東南三十里一在縣西二十里楊志

關聖廟宗瑛建案梅渚鎮關帝廟乾隆十五年邑令貢

廣德州志

卷十三

壇廟

三

震毀蔣太師廟改建

城隍廟楊志在建平縣治善政坊東正殿三間廟門一座

明成化七年增置東西廡及前門萬曆二十八年建石

坊制依公廨塑像台祭於山川之壇厲祭則告於廟而

迎其位於厲壇之上縣志康熙二十八年知縣茅成鳳

重修立石胡志已燬同治三年重建新纂

勅建八蜡廟通志在建平縣善政坊縣志在城隍廟左今

遷東門外知縣衛廷璞重修案乾隆五十一年邑令周

作淵改建屋三楹中祀八蜡而祀劉猛於左

案楊門李志俱云建平縣八蜡廟在城隍廟左今燬
縣志亦祇言衛令修獨通志稱

勅建以舊雖立而久廢也

劉猛將軍廟李志在東門外文昌閣後雍正三年知縣蘇
祉設木主與八蜡神同祀

馬神廟楊志城隍廟右今燬春秋祭未詳其地

火神廟在城隍廟北胡志已燬同治十年重建新纂

祠山廟楊志縣西一里許舊稱廣惠王廟每歲春秋仲月

戊日致祭明洪武十九年建萬曆十四年燬二十七年

廣德州志

卷十三

壇廟

三

又建正殿三間前廡五間沈一中記

東嶽廟楊志縣治西胡志今燬同治七年重建新纂

五顯廟楊志在善政坊

案是廟門志亦載縣志始剗去五顯及五聖字李志
因亦不載五顯案五顯不知始何時祝穆方輿勝覽

云廟在徽州婺源縣者乃祖廟兄弟五人本姓蕭每
歲四月八日朝禮者四方雲集王炎雙溪集有五顯

靈應集序云吾邑五顯合境之人朝夕必祝歲時俎
豆維謹餘風達於江甸閩浙無不信向邇者太常加

封以聰明正直之德著於顯號明史禮志五顯靈順
在南京十廟中則五顯之在婺源大率與此間祠山
相等惟謏說有所謂五通神者極爲淫昏說者以爲
卽五顯也明世吳中所奉五聖亦曰五顯靈官陸粲
庚巳編深詆之

國初猶未能革在上者尤妖詭康熙丙寅睢陽湯文
正公奏毀之奉有

俞旨并檄各省有如江南土木之俑盡行撤毀縣志之劓
去以其廟已毀故也然甯國縣至今有五顯廟在清

廣德州志

卷十三

壇廟

三

弋江東南去春經此詳著之客皖紀行中王雲翔蒲
圻縣志修於乾隆十七年亦載其廟然則毀者五聖
非五顯也李志旣削五顯而縣東南二十里之五聖
廟仍公然大書於關王廟之後豈不異哉今仍楊門
存五顯而去李志五聖焉

余家廟楊志縣東十五里

案此下皆據楊志其增入者加案別之

齋堂廟縣東二十里

割股廟縣東二十里案本名阮園廟孝子王安兒割股於

此因更名

詳孝友 胡志

已燬今重建

新纂

松塘廟縣東二十里

胡志

已燬同治二年重建

新纂

湯村廟縣東二十五里

張公廟在東二都後

案縣東三十里

案久圯乾隆四十九年邑令

周作淵勸募改建於舊祠西北而葺舊祠為公館

上塘廟縣東三十里

胡志

已燬今重建

新纂

宗漢廟縣東南三十里

接兒墩廟縣北五里

茅王廟縣東北二十里

詳瑩墓

廣德州志

卷十三

壇廟

三

靈濟王廟縣東北三十五里

英烈王廟縣東北四十里南畿志子胥祠在伍牙山案是

廟祀伍員唐建宋元間重修有記

胡志

已燬今重建

新纂

元秦良英烈王廟碑記案桐汭志載伍牙山在建平東北四十里昭德鄉四都又名護牙世傳伍員伐楚去吳時經此山有老嫗異其牙員欲折之崖石山靈若護之者以故得名漢高帝九年封員忠靖君祠於山巔後漢又封威武將軍楚城君山之南有潭淵澄紺碧時出蜿蜒異物能興雲雨遇旱有禱輒應一夕風雨驟起神運廟木潭西一里遂遷造即今廟也唐開元六年歲大旱禱於祠下雨足有秋封威武忠靖王益虔時薦宋開寶八年朝廷命官恢崇祀事累封威武忠靖英烈靈佑王皇元大德四年以江潮捍患有功特詔加封忠孝威惠顯王歲時致祭聿嚴匪常扣龍求雨響應愈捷廟久不修棟梁欹撓碑記無存莫考願末至元四年欽奉詔旨

致祭名山大川忠臣烈士迺詢訪遺老得開寶間翰林
寶所撰記文始知建廟之由遂命建平縣尹高壁等
鳩工度材去故易新咸使端正以答神休且為敘其事
礮石以記歷代尊崇之典於戲狄梁公毀江淮淫祀千
七百區而獨存王廟者蓋以鞭墳報父抉目諫君忠孝
之心昭若日月激勵臣子有關世教太史公云隱忍就
功名非烈丈夫孰能致此哉宜乎千載而下英氣如生
也乃為之銘曰伍牙山高龍湫水深奕奕廟象有光山
林人徒知生而取虞淵之日不知死而為傳
巖之霖以澤我生民無窮於古今也見門志

新村廟縣南六十里

白石廟縣南六十里

金塔廟縣西十里

胡志已燬今重建新纂

煉成廟縣西二十里

胡志已燬今重建新纂

廣德州志

卷十三

壇廟

三

楊家廟縣西二十五里

田村廟縣西二十五里

魯般廟縣西三十里

荆軻廟縣西三十里

詳瑩墓胡志已燬今重建新纂

水北廟縣西北三十里

白馬廟縣西北三十里

胡志已燬今重建新纂

曹塘廟縣西北四十里

祠山廟縣北十里

分流廟縣北二十里

胡志今重修新纂

社西廟縣北三十里

社南廟縣北三十里

忠義祠

節孝祠

名宦祠

鄉賢祠

以上四祠俱詳學校

趙參軍祠縣東儒學之西案南畿志在儒學內通志在縣

治東南祀參軍趙時踐久廢乾隆十七年邑令貢震重

廣德州志

卷十三

壇廟

四

建今地

互詳學校

張深謁趙參軍祠一門爭死赴前溪華表於今鶴已歸不避昔年豺虎亂豈知身後杜鵑啼文章滾滾憑諸老氣節堂堂表去思如許宦遊懷古客每逢寒食拜公祠

向公祠縣治東案祀向萼輝今廢

四先生祠縣治北祀前令朱之楫張宗信向萼輝張正中

朱張二侯祠案在縣治西祀朱之楫張宗信今廢

懷仁祠開法寺前祀知縣陳德驥門李乾隆十七年邑令

貢震改為書院別建祠於縣治後之鳳凰墩合祀前明

縣令陳德驥高常朱之楫張宗信向萼輝何宏仁

國朝張正中王天福胡擢標茅成鳳徐之愈有記後貢震
卒邑人并立主祀之縣申

孫墩古祠縣東北五里

郭公祠縣東四十五里胡志已燬今重建新纂

朱公祠縣西十里

邵公祠縣西北十里胡志已燬今重建新纂

趙公祠縣西北十里胡志已燬今重建新纂

右建平壇廟

以上胡志案建平祠宇自咸豐末被燬後有重建者

廣德州志 卷十三 壇廟 罕

俱載明注新纂別之